



Nuna tamakkerlugu ikiaroonartoq hash-ip akiorniarneqarnissaa pillugu iliuusissamik pilersaarummik UKA 2016-imi Naalakkersuisut saqqummiussaqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)

(Siullermeernera)

Demokraatini siunnersuuteqartoq qutsavingaarput qulequtaq pingaaruteqartoq qaqqimmagu. Ilumoorluinnaqqissaarpoq, ikiaroonartoq hashi aanngajaarniutitut atornerqartut ilaattut, susassaqaqatigiinnerpassuarnik killuisarmat, inuup inuunera allanngortilluinnarsinnaasarpaa hashimik pujortartarnerup siornanut naleqqiullugu aamma ilaqutariippassuit meerartallit imaluunniit angajoqqaat kisermaat hashimik atornerluinermut sorsuttarput imaluunniit apparisamik hashimik atornerluineranut.

Taamaattumik nuannaarutigaarput Naalakkersuisut siunnersuuteqartutulli aallartereersimammattigit ingerlatassat assigiinngitsut qaammarsiinerillu saaffigalugit ikiaroonartumik hashimik atornerlusiut aamma imigassamik atornerluisut kisiannili aamma aallartinneqarput katsorsarnissamut aqcutissat arlallit.

Uani ilanngullugu imigassaq eqqaavarput, imigassamik atornerluineq hashimik atornerluinertut inuiaqatigiinni ajornartorsiutinik arlalinnik nassataqartarmat.

Isumaqarpugut aamma inuit angerlarsimaffiini allatut ajornartumik eqigasariaqartugut kaammattutigalugulu ilaqutariit oqaloqatigiittaqqullugit aamma meeqqatik oqaloqatigisaqqullugit manna ajornartorsiut pingaaarutilik pillugu.

Hash arlalippassuarnik tusaamavarput ilaatigut ulorianaateqanngitsoq aamma hashimik pujortarlutik ikiarootartut sivisujaamik unikkallartartut, hashimik pinngitsuuisinnaajunnaarneq ajortut. Atornerluisut nammineerlutik takusinnaanngilaat aamma takusinnaanngilaat kinaassusertik allanngoraangat, taamaattuminunga oqartoqartoq pinngitsuuisinnaajunnaarneq.

Ikiaroonartoq hashi meeqqavit pitsaasumik atunqarnissaanniik pingaernerutippiuk?
Ikiaroonartoq hashi ilisarimasannit pingaernerua? Hashi pissutigalugu assortuunnikuuit?
Oqarfigineqarnikuuvit ikiaroonartumik hashimik pujortartaleravit kinaassutsit allanngorsimasoq? Arlaannik iliuuseqarnikuuit iliuuserisinnaanngisaraluarnik?
Ikiaroonartumik hashimik pujortaraangavit inuunerit pitsanngortarpa? Ikiaroonartoq hashi atortarpiuk nukittunerulerumallutit, puigornissannut, ersinerit aanngaamisinniarlugu?
Misigissutsit itipittarpiigit annernartut imaluunniit alla pissutigalugu? Misigisarpiuk nukilaallutit, ulluni naliginnarni suliasaraluatit isumagisimannikkaangakkit,



aallarneerusussuseq nukissalu amingaatigisarpigit, sinittarnerit allanngorpa, ikiaroortarpit nukissaqalerumallutit suliassatit sularisinnaajumallugit imaluunniit ulluinnarni nukissaqarumallutit? Tamakku allarpassuillu ersiutit ilaapput allanut ersiuterpasuarnut, ajornartorsiuteqalersimangaanni.

Ullut tamarluinnaasa innuttaasut, inuusuttut, utoqqaallu ajoraluartumik takujuarpagut ikiaroorntumik hashimik ajornartorsiuteqartut aamma ersiutit nalungaanni isikkualu, nalunarsinnaavoq ajornartorsiutit takunissaat iliuuseqarlunilu.

Hashi ajoraluartumik ulorianarpoq amerlasoorpassuarnut, hashi pinngitsuugassaajunnaartarpoq, sunniutaasa ilaat takorruilersitsisarpoq aamma qarasaq allanngortittarpaa. Aamma nunarsuaq pillugu eqqarsariaatsit allanngortittarpaa, kinaassutsit allanngortittarpaa aamma eqqaamassavarput ikiaroorntoq hashi timimi sunniuteqartamar ulluni 31-ni taamaattumik pissutsitit ullorpassuarni allanngortittarpai pujortareernerpit kingorna.

Amerlaqisut aamma hashi allanut atonerluinermut ilapittuutitut atortarpaat kinguneqarsinnaasumik eqqoriaruminaattumik imaluunniit persuttaasalernermik.

Sapinngisamik siusinnerpaamik iliuuseqarutaa taava ilaqutariit meeqqallu inueneri siusissumik iliuuseqarfigigutsigit pitsaaliullutalu, pitsaanerpaassaaq. Ikiaroorntoq pinerluttaalisitsinerlu pillugit isumasioqatigiit nuna maani sulipput, aamma nersualaarussuppakka nikallujuillutik sulinerat pillugu, soorlu politiit immikkoortumi suliaqqaat aamma annertuumik taamaattumik aamma nersortariaqarput, - soorunami kissaatiginaraluaqaaq hashi pissutigalugu pinerluttut hashillu kingunerininut iliuuseqarnissamut inatsisitigut tunngavissarissaarnerunissaq kissaatiginaraluaqaaq.

Kisianni alloriangaarnaviangilagut innuttaasut eqiigasumik ataavartumillu oqallisilinnippata, tamanni hashimik atonerluinermut, imigassamik atonerluinermut allanullu aanngajaarniutinut naggaanngikkallartillutta.

Tamatta meeqqat inuusuttullu ulorianartorsiortut aqqusinerni aqqusineeqqanilu takujuarpagut akissarsiffiit nalaanni. Inuiaqatigiittut suliassarput suli naammassinngilarput ikiortariallit ilaqutaalu ikiunngikkallartillugit.

Demokraatini oqareernitsitut nuannarutingaarput Naalackersuisut suliniutinik arlalinnik aallartitsereersimmata, kisianni kissaatigaarput Naalackersuisut ikiaroorntoq imigassarlu pillugit siunnersuisoqatigiinnik akuerutitsissasoq kiisalu atonerluinermut siunnersortinik, katsorsaavinnik il.il. kiisalu tusagassiutit aqutigalugit qulequtaq pillugu oqallinnikkut.



Imaanngilaq inunnik malersuiniartugut, kisianni pitsaanerusumik inuuneqarnissaq qularnaarusupparput aamma nunami maani innuttaasut tamarmik kusanartumik periarfissaqarnissaat, atornerluinerup unitsinnissaa eqqarsaatigalugu.

Atornerluineq pillugu naatsorsuutit mumisilluarsinnaavagut. Innuttaasut tamarmik immikkut imigassamik literimik imertagaasa ilinniartippaatigut suli suliassaq annertoqisoq inuiaqatigiit imigassamik atornerluinerup kinguneranik pinerluttuliortarnermiit aninguinissaannut. Atagu takoriartigu atornerluineq nungutissinnaanerlugu inuiaqatigiittullu ataatsimoorluta naaggaarluta.

Taamatut oqaaseqarluta, Naalackersuisut immikkoortumi aallartissimasaat tunngavigalugit inassutigaarput siunnersuut itigartinneqassasoq, taamaakkaluartorli nuannarutingaarput aammaarluta immikkoortoq oqallisigeqqissinnaagatsigu.